

## Sastanak Sekcije za visinske vode

Sekcija za visinske vode Poslovnog udruženja privrednih organizacija slatkovodnog ribarstva Jugoslavije održala je svoj X redovni sastanak dne 3. i 4. VI 1966. godine. Sastanak je održan u historijskom i ubavom mjestu Jajcu, a na samom Ribogojilištu »Elektrovrbas« u Jezeru kod Jajca. Prisustvovalo je ukupno 37 predstavnika raznih ribarskih i drugih organizacija, a dnevni red je bio sljedeći:

1. Dostignuća u uzgoju lipljena u SR Sloveniji — referent: Joža Vovk, Zavod za ribištvo SR Slovenije, Ljubljana.
3. Informacija o IV zasjedanju savjetodavne Komreferent Alenka Ocvirk, Zavod za ribištvo SR Slovenije, Ljubljana.
3. Informacija o IV zasjedanju savjetodavne Komisije za slatkovodno ribarstvo FAO-a održanog od 9. do 14. maja 1966. u Beogradu — referent: Dr. M. Aganović, Biološki institut univerziteta Sarajevo.
4. Pod tačkom »Razno« razmatrana su sljedeća pitanja:
  - a) Proizvodnja briketirane hrane,
  - b) Članstvo u Sekciji i drugo.

Referati pod prve 3 tačke dnevnog reda odštampani su posebno u ovom broju »Ribarstvo Jugoslavije«, kako bi bili pristupačni što širem broju zainteresiranih.

Doneseni zaključci po prvom referatu su sljedeći:

1. Smjelije prihvatiti i primjenjivati iskustva drugih zemalja na planu uzgoja lipljena, kroz provjeravanje rezultata u našim uslovima, a u interesu dobivanja bržih i efikasnijih rezultata,

2. Uspostaviti što tješnju saradnju svih organizacija koje rade na uzgoju lipljena, radi izmjene iskustva i nastojati da se kroz Sekciju koordinira i usmjeri daljnji rad svih organizacija u Jugoslaviji.

Zaključci po referatu Alenke Ocvirk: Metodologija izrade ribarskog katastra su ovi:

1. Ustanoviti i uvesti jedinstvenu evidenciju i metodologiju na izradu ribarskog katastra svih voda u Jugoslaviji.

2. Insistirati kod nadležnih organa na hitnoj izradi ribarskog katastra svih voda u Jugoslaviji, jer je ovo obzirom na stanje i eksploataciju voda, kao i intencije Zakona o slatkovodnom ribarstvu, veoma aktuelno.

Zaključak po referatu Dr.M. Aganovića: Informacija o IV zasjedanju Savjetodavne komisije za slatkovodno ribarstvo FAO-a održanom u Beogradu od 9. do 14. maja 1966. godine bio je sljedeći:

1. Ispitati mogućnost da se u okviru Poslovnog udruženja slatkovodnog ribarstva Jugoslavije nađe način i mogućnost da se interesantni referati (prvenstveno referati koji se odnose na ishranu riba) prevedu, umnože i dostave svim zainteresiranim organizacijama.

Pod 4. tačkom »Razno« — proizvodnja briketirane hrane — razvila se živa diskusija. Sastanku su prisustvovali i predstavnici proizvađača stočne hrane iz Bačke Topole, Brčkog i Kosova Polja, koji su prisutne upoznali s mogućnostima i problemima proizvodnje briketirane hrane, dok su s druge strane proizvađači riba upoznali proizvođače stočne hrane sa svojim teškoćama i zahtjevima. Nakon diskusije u kojoj su sudjelovali svi učesnici sastanka, donijeti su sljedeći zaključci:

1. Cjelokupan rad oko izrade briketiranih ribljih hraniva, dinamike isporuke, tehnologije izrade, uvoza sirovina i distribucije objediniti preko Poslovnog udruženja privrednih organizacija slatkovodnog ribarstva.

2. U tom cilju potrebno je da sve organizacije — proizvađači konzumne pastrve dostave Udruženju svoje potrebe na ribljoj hrani do kraja ove godine po količinama, varijantama i veličinama briketa.

Po pitanju članstva u Sekciji odlučeno je da se uvedu nove članarine, i to:

za članstvo u Udruženju 5.000 N.Din. godišnje, i  
za članstvo u Sekcijama 1.000 N.Din. godišnje.

Na koncu je zaključeno da se sljedeći sastanak Sekcija za visinske vode održi zajednički sa Sekcijom za ribnjačarstvo, i to u Beogradu, u septembru 1966. godine.—

Ing. IVO SABIONCELLO